

當陽縣志卷八

祀典志 下

武廟

昔韓昌黎有言祀而徧天下者惟社稷與孔子爲然關聖爲漢名臣而廟祀徧天下與孔子等何其盛歟記曰法施於民則祀之以關聖之忠義固已氣塞天地光爭日月其足爲後世法也固宜

國家追崇之典視前代爲加隆當邑陵寢所在春

當陽縣志

卷之八

祀典

武廟

一

秋旣專官致祭而城中廟祀仍歲時不廢焉雖曰神道設教要亦見功德在人不可泯也志武廟

武廟在縣署東文廟之右舊本縣署地明天啟中改建凡爲殿三曰拜殿曰正殿正殿後曰三義殿故一名三義祠每朔望行香於此道光初後殿燬改作僧房時藉作賓館焉

關帝廟在治西五里卽陵寢也墓前數武爲寢殿神像冕旒執圭範銅爲之故一名銅殿殿前有廊左

右各五間又前爲大殿重簷四垂規模悉備又前爲拜殿殿前左右畫廊各十二間又前爲戟門爲馬殿左右有門門前左右爲鐘鼓樓又前爲三元門陵之大門也門前爲漢室忠良石坊左右列華表高丈餘又前爲神道碑上書封號官爵而覆以亭在銅殿左者爲啟聖宮在大殿左者爲八角亭亭上勒有辭曹行像亭後爲春秋樓樓下則承祭官齋宿所也宮在啟聖前亭前爲齋房爲庖廚殿在拜左在大殿右者爲伯子祠祠後爲佛堂在拜殿右者爲

僧房廟左爲博士署重以外垣四面環繞袤三百餘步廣二百餘步規模壯麗今漸朽矣餘見陵墓按陵之有廟始於明成化三年縣令黃恕請於朝立廟春秋祀凡曰殿者三曰門者二曰堂曰祭臺各一十五年鎮守太監韋貴來謁墓謂廟必有寢捐金建堂於廟後縣令姜英董其役英復節俸資高其門垣頗增舊制宏治十年縣令劉松重修嘉靖十五年太保都督陸炳司禮太監黃錦共捐俸金令守備太監張方撤而新之

增建石坊及鐘鼓樓繚以垣牆而守之以僧萬
歷三十一年縣令馮仕修伯子祠於大殿之左
崇禎十三年閣督楊嗣昌巡撫宋一鶴倡捐重
修

國朝康熙十七年總督蔡毓榮倡捐重修三十四

年督撫倡率通省釀金重修凡殿樓門垣皆鼎

而新之董其事者荊州太守魏勳也

見舊志及陵廟紀畧

乾隆二十一年縣令苗肇岱詳請通省俛助重
修二十四年工竣四十八年布政司永慶檄令

當陽縣志

卷之八

祀典

武廟

三

黃德荆襄鄖宜施及安陸八府各州縣捐俸重
建凡陵寢戟門馬殿春秋樓伯子祠及博士署

皆煥然一新

見續志

嘉慶元年教匪之難殿宇多

壞八年縣令王文然奉檄重修歷久漸朽道光
元年因沮水西徙逼近門垣縣令張開雲詳准
重修並於河岸修石磯以障之水怒輒圮六年
水大漲河徙而東去陵門數百步人謂神靈呵
護云三十年縣令董文煜集歲修貲益以考棚
公費重修寢殿咸豐五年縣令馬晉圖重修馬

殿八年縣令黃鐘鳴重修伯子祠按自乾隆三十年來撥祭田租歲入五十餘金作歲修貲然工鉅而費少動用常不敷邇來殿宇漸朽率皆擇其已甚者亟加補葺工之細者不具載

歷代封號

按後漢景耀三年追諡壯繆侯宋大中祥符七年封忠義神武王崇甯元年封忠惠公大觀二年封武安王宣和五年封義勇武安王建炎二年封壯繆義勇王淳熙十四年封英濟王明洪

當陽縣志

卷之八

祀典

武廟

四

武元年復稱漢壽亭侯二十年建廟於順天正陽門內嘉靖中稱義勇武安王萬歷十八年加封帝號四十二年加封三界伏魔大帝神威遠震天尊關聖帝君

國朝順治九年夏禮部題准三界伏魔神威遠震天尊

勅封忠義神武關聖大帝康熙時

勅封協天伏魔大帝雍正五年奉

旨追封關帝三代公爵州縣皆建專祠春秋二仲及

五月十三日皆祭以太牢地方官朔望行香如
文廟禮乾隆三十三年奉

勅加封忠義神武靈佑關聖大帝向以博士承祭春秋官祀縣令行禮

四十六年總督舒常奏言當陽章鄉為

關聖陵寢重地與他處僅有廟祠者不同請以

宜昌總兵及該管之安陸知府輪往承祭以昭

誠敬其章鄉一切夫馬採買軍需概予豁免

制曰可按自乾隆五十六年改屬荆門直隸州以後秋季則州牧承祭

道光七年奉

當陽縣志 卷之八 祀典 武廟 五

勅加封仁勇八年奉

勅加封威顯咸豐二十年奉

勅加封護國三年奉

勅加封保民四年奉

勅升入中祀加封三代為王並奉

頒發祝文樂章

正殿春秋二季及五月十三日祭品

筐一帛 爵三 登一 鉶二

簋二 簋二 籩十 豆十

俎三 牛一羊一豕一 五月十三有果品五盤

禮節

每歲春秋二仲諏吉致祭及五月十三日致祭先期三日至祭之日一切禮節與

文廟同 惟無分獻

春秋二季祝文 咸豐四年 頒發

維某年月日某官某致祭於

忠義神武靈佑仁勇威顯護國保民

關聖大帝神位前曰維

當陽縣志 卷之八 祀典 武廟 六

神星日英靈乾坤正氣允文允武紹聖學於千秋至

大至剛顯神威於六合仰聲靈之赫濯崇典禮於

馨香茲當仲春秋用昭時享惟祈昭格克鑒精虔

五月十三日祝文

惟

神九宇承庥兩儀合撰崧生嶽降溯誕聖之靈辰日

午天中屆恢台之令序聰明正直壹者也千秋徵

肸鬻之隆盛德大業至矣哉六幕肅馨香之薦爰

修懋典式展明禋苾芬時陳精誠鑒格尚 饗

樂章

格平之章 迎神

懿鑠兮焜煌神威靈兮赫八方偉烈昭兮累禋祀
事明兮永光達精誠兮黍稷馨香儼如在今洋洋

翊平之章 初獻有舞

英風颯兮神格思紛綺蓋兮龍旗剡桂醕兮盈卮
香始升兮明粲惟降鑒兮在茲流景祚兮翊昌時
恢平之章 亞獻有舞

觴再酌兮告虔舞干戚兮合宮懸歆苾芬兮潔蠲

當陽縣志

卷之八 祀典 武廟

七

扇巍顯翼兮神功宣

靖平之章 終獻有舞

鬱鬯兮三申羅籩簋兮畢陳儀卒度兮肅明禋神
降福兮宜民宜人

彝平之章 徹饌

物惟備兮咸有明德惟馨兮神其受告徹兮禮終
罔咎佑我邦家兮孔厚

康平之一章 送神

幢葆葳蕤兮神聿歸馭鳳軫兮驂虬駢降網緼兮

餘酌醮願回靈盼兮德洽明威

康平之二章 望燎

蕉蒿列兮燎有輝神光遙燭兮祥雲霏祭受福兮

茂典無違庶揚駿烈兮永奠疆畿

後殿三代神位 皆向 南咸豐四年奉

旨加封為王

光昭王 正中

裕昌王 東一室

成忠王 西一室

當陽縣志

卷之八

祀典 武廟

八

祭品

筐一 帛

爵三

簠二

簋二

籩八

豆八

俎二

羊一豕一

禮節與崇聖祠同

祝文

惟

王世澤貽庥靈源積慶德能昌後篤生神武之英善
則歸親宜享尊崇之報列上公之封爵錫命優隆
合三世以肇裡典章明備恭諏吉日祇事薦馨尚

饗

祭田

共田六百八十畝乾隆十年奉文酌撥水陸田二百四十畝給博士承種乾隆三十年前縣令衛詳請撥田二百四十畝每年租銀五十五兩經典史徵收除納正供外餘存縣庫作歲修報銷餘田二百畝仍歸住持僧承種以供香火

當陽縣志

卷之八

祀典

武廟

九

文昌宮

史記天官書謂斗魁戴筐六星爲文昌宮將相祿命屬焉漢儒以爲卽周禮六宗之司中然則文昌爲天神其陰隲下民弼成文教乃其職也國朝列入祀典及咸豐四年奉

旨升入中祀與武廟等典至隆矣舊志列壇廟中茲表而出之附於文武廟後重明裡昭肸蠻庶有合於崇報之典歟志文昌宮

文昌宮在東南城上道光十五年知縣王朝柑募貲

當陽縣志

卷之八

祀典

文昌宮

十

重建按舊志載文昌閣在東門城樓嘉慶中遷至今地甃石爲基高丈餘背城面北易名曰宮歷久漸圯道光中撤而新之加舊基高與城等南其向凡爲殿者二曰正殿曰拜殿又前爲門距雉堞數武甃磚爲坊高出堞上殿左右平地爲僧房殿後平地爲園最後當街爲門卽昔之前門也地址共袤三十餘丈廣十餘丈

祭制

謹按嘉慶六年奉

旨文昌帝君仿照 關帝廟制列入祀典春二月初三日
聖誕致祭秋季以奉文日致祭禮與 武廟同
惟不用樂咸豐四年奉

旨升入中祀春秋二仲諏吉致祭及二月初三日致祭
一切祭品禮節與 武廟同並

頒發祝文樂章

春秋二季祝文

惟

神道闡苞符性敦孝友並行並育德侔天地以同流

當陽縣志

卷之八

祀典

文昌宮

十一

乃聖乃神教炳日星而大顯仰鑒觀之有赫示明

德之維馨茲當仲

春秋

用昭時享惟祈

歆格克鑒精虔

二月初三日祝文

惟

神功參橐籥撰合乾坤溯誕降之靈辰三台紀瑞度
中和之令節九宇承暉若日月之有光明闡大文
於孝友如天地無不覆載感至治於馨香爰舉上
儀敬陳芳薦精禋罔斃

神鑒式臨尚饗

樂章

丕平之章 迎神

秉氣兮靈躔翊文運兮赫中天
蜺旌兮戾止雕俎兮告虔
迓神庥兮於萬斯年

俶平之章 初獻

神之來兮簠簋式陳神之格兮几筵式親
極昭彰兮靈貺致蠲潔兮明禋升香兮伊始居歆兮佑我
人民

當陽縣志

卷之八

祀典

文昌宮

十二

煥平之章 亞獻

再酌兮瑤觴燦爛兮庭燎之光
申虔禱兮神座儼然降兮帝旁
粢醴潔兮齊邀將綏景運兮靈長

煜平之章 終獻

禮成三獻兮樂奏三終覃敷元化兮繫神功馨香
達兮肸鬻通歆明德兮昭寅衷

懿平之章 徹饌

備物兮惟時告徹兮終禮儀神悅懌兮鑒在茲垂
鴻佑兮參洽重熙

蔚平之一章 送神

雲駢駕兮風旂招神之歸兮天路遙瞻翠葆兮企
丹霄願迴靈眷兮福我朝

蔚平之二章 望燎

網緼降兮元氣和神光燭兮梓潼之阿化成耆定
兮橐弓戢戈文治光明兮受福則那

後殿

謹按嘉慶六年禮官議覆

文昌帝君三代姓名查無確據未便請加封號謹擬

當陽縣志

卷之八

祀典

文昌宮

十三

增製牌位一分牌面用

文昌帝君先世神位字樣紅飾金書春秋致祭行二
跪六叩首禮餘同前殿

祭品

帛一

爵三

鉶二

簠二

簋二

籩八

豆八

俎二

羊一豕一

春秋二祭祝文

嘉慶六年

頒發

祭引先河之義禮崇反本之思矧夫世德彌光延
賞斯及祥鍾累代炯列宿之精靈化被千秋爲人

文之主宰是尊後殿用答前庥茲值仲春秋肅將時
祀用申告虔

神其格歆尙 饗

二月初三日祝文 咸豐四年 頒發

維

文昌帝君道備中和神超亭毒稟貽謀而允紹欽毓
聖之有基雲漢昭回際嶽降嵩生之會馨香感格
興水源木本之思式肇明禋用光彝典尙祈

神鑒享此清芬

當陽縣志

卷之八

祀典

文昌宮

十四

壇廟

考之祭法凡有功烈於民者皆祀之所謂民成而致力於神也

國家崇德報功視前代爲更備雖蕞爾一邑而山川神祇及忠孝節烈之有關風化者莫不謹遵令典歲時致祭於以祈豐禳災且化民而成俗也其所裨豈淺鮮哉志壇廟

社稷壇在城外東南教場之右築土爲基三面有陞各三級繚以周垣四方皆有門祭時由北門出入

當陽縣志

卷之八

祀典

壇廟

十五

按孝經援神契曰社者土地之主稷者百穀之長鄭元謂古者官有大功則配食其神句龍有水土功故祀社棄有播種功故祀稷唐宋以來分祀合祀無定制木主石主無定形明洪武初始停配享合社稷爲一壇用木主祭則設於壇上至今因之每歲春秋二仲月上戊日出主於壇左社右稷祭品

帛一

黑

爵三

鉶一

簠二

簋二

籩四

豆四

俎二

羊一豕一

禮節

祭之日承祭官朝衣行三獻禮三跪九叩首

祝文 乾隆九年 頒發

維

神奠定九州粒食萬邦分五色以表封圻育三農而

蕃稼穡恭承守土肅展明禋時屆仲春秋敬修祀典

庶芄芄松柏鞏磐石於無疆翼翼黍苗佐神倉於

不匱尙 饗

風雲雷雨山川壇在西門外長坂坡制與社稷壇同

當陽縣志 卷之八 祀典 壇廟 十六

按周禮大宗伯之職曰禋燎祀司中司命風師雨

師鄭衆注風師箕也雨師畢也漢以丙戌祀風師

於戌地己丑祀雨師於丑地宋人兆風師於西郊

祀以立春後之丑日兆雨師於北郊祀以立夏後

之申日雷師之祀起於唐天寶中宋元因之明洪

武初於風雨雷之外加以雲合爲一壇 續舊志

每歲春秋二仲月上戊日合祭於壇風雨雷雲居

中帛四山川居左帛二城隍居右帛一俱白其餘

祭品與社稷壇同

禮節與社稷壇同

祝文

維

神贊襄天澤福佑蒼黎佐靈化以流形生成永賴乘
氣機而鼓盪溫肅攸宜磅礴高深長保安貞之吉
憑依鞏固實資捍禦之功幸民俗之殷盈仰神明
之庇護恭修歲祀正值良辰敬潔豆籩祇陳牲幣
先農壇在東門外舊志載籍田四畝九分乾隆二十
四年知縣苗肇岱重修查丈除祠基壇址五分三

當陽縣志

卷之八

祀典

壇廟

十七

釐實籍田四畝七分一釐歲收粟五石至三石不
等僅供祭祀粢盛費料粟數及祭費每年造冊報
銷祠壇基地橫七弓二尺五長十七弓周圍垣牆
上橫十九弓中橫二十三弓下橫七弓中長十七
弓東抵張界西抵教場並朱張界南抵朱張界北
抵教場

續舊志

每春奉文以耕籍日致祭禮同山川社稷祭畢耕
籍行九推禮農夫終畝勸農有賚

祝文

維

神肇興稼穡粒我蒸民頌思文之德克配彼天念率
育之功常陳時夏茲當東作咸服先疇洪惟九五
之尊歲舉三推之典恭膺守土敢忘勞民謹奉彝
章聿修祀事惟願五風十雨嘉祥恆沐於神麻庶
幾九穗雙歧上瑞頻書於大有

八蜡神位附立於先農壇內自雍正六年奉文始每
季冬上戊日致祭禮節視先農稍殺焉

按八蜡一日先嗇二曰司嗇三曰農四曰郵表畷

當陽縣志

卷之八

祀典

壇廟

十八

五曰貓虎六曰坊七曰水庸八曰昆蟲張載以昆
蟲爲害不當祭易以百種謂百種者五穀之種也
明邱濬云夏爲嘉平殷爲清祀周爲大蜡秦謂之
臘漢因之按八蜡之昆蟲非祭昆蟲祭神之主昆
蟲者也易之誤也又蜡臘雖皆舉於十二月然考
之禮本屬二祀俱有明證漢儒合而一之亦誤也
常雩無壇卽於風雲雷雨壇中設社稷先農山川之
神每歲孟夏以奉文日致祭禮與社稷壇同

祝文

恭膺詔命撫育羣黎仰體彤廷保赤之誠勤農勸稼俯懷蔀屋資生之本力穡服田令甲爰頒肅舉祈年之典惟寅將事用申守土之忱黍稷惟馨尙冀明昭之受賜來牟率育庶俾豐裕於蓋藏

邑厲壇在北門外乾隆二十五年重築定界勒石

按祭法王立七祀有泰厲諸侯五祀有公厲大夫三祀有族厲又士喪禮疾病禱於厲鄭氏謂漢時民家皆秋祠厲明洪武三年上以兵革之餘死無後者其靈無所依命議舉其禮禮官奏春秋傳曰

當陽縣志

卷之八

祀典

壇廟

十九

鬼有所歸乃不爲厲古者七祀於前代帝王公卿大夫之無後者皆致其祭豈無所爲而然哉後世以爲涉於淫諂遂不舉行而無依之鬼乃附士民爲禍福以邀享祀蓋無足怪今欲舉其祀宜於京都王國各府州縣及里社皆祭之使災厲不作是亦爲民除害之一端也上然之京師謂之泰厲王國爲之國厲府州謂之郡厲縣謂之邑厲民間爲鄉厲著爲定式至今因之

按今各州稱州厲壇

每歲清明月七月望日十月朔日致祭先期承祭

官告於城隍廟屆期迎城隍之神出至壇所列邑
中無祀鬼神於側祭品羊三豕三飯米三香燭酒
楮皆具行二跪六叩首禮

祭文

時值陽和節居清明野原荒塚醮祭頻臨憐爾孤
魂斬祀無人具我酒饌潔我粢盛來飲來食無犯
無驚清明日

律叶夷則風露淒其凡民有主祭祀以時惟爾孤
魂飄蕩無依我將我奠飲斯食斯共爲靈鬼衛我

當陽縣志

卷之八

祀典

壇廟

二十

郊圻

七月望日

月維孟冬北風其涼凜凜霜雪黯黯郊荒憐爾孤
魂依附無方我將我奠來飲來嘗逍遙境內永獲

厥祥

十月朔日

城隍廟在儒學東歲無常祀春秋二仲附享於山川
壇三月清明七月望日十月朔日主享於邑厲壇
凡水旱祈禱皆特設祭

按易曰城復於隍又曰地險山川邱陵後世專藉
城郭池隍以爲固然則城隍之祀其卽山林川澤

之祀而推焉者也唐李縉雲城隍記謂祀典所無
惟吳越有之然成都城隍祠爲李德裕所建張說
有祭荆州城隍文杜牧有祭黃州城隍文則不獨
吳越爲然矣又蕪湖城隍建於吳赤烏二年南燕
慕容儼梁武陵王祀城隍神皆書於史又不獨唐
爲然宋以後其祀遍天下或賜廟額或頒封爵甚
或遷就附會各推一人以爲神之姓名如鎮江慶
元甯國太平華亭皆以爲紀信龍興贛袁吉安建
昌臨江南康皆以爲灌嬰是也長樂國經云漢御

當陽縣志

卷之八

祀典

壇廟

二十一

史周苛守滎陽爲項羽所烹令郡邑皆附郭立廟
祀之城隍之祀疑或自此昉歟古皆有爵號明洪
武時改稱某府州縣城隍之神至王崇簡云蜡祭
水庸居七水則隍也庸則城也此正祭城隍之始
亦存以備參考云

舊志

呂祖殿在玉陽觀之右同治三年士民重修

按純陽呂祖歷代已有封號 國朝嘉慶十年江
南河督徐准禮部咨覆奉

旨列入祀典嗣經

內閣奏請加封奉

旨加燮元贊運四字於原號之上行文河督遵於淮郡
地方建祠崇祀至各省原有廟宇應令地方士民
自行供奉一體遵照每歲春秋二仲月諏吉致祭
祭品
果品五盤 饅首五盤 蒸餅五盤
餅四盤 高頂一盤
龍神祠在東門外草街頭 年重修
每歲奉文致祭

當陽縣志

卷之八

祀典

壇廟

二十二

當陽縣志卷八終